

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-14-972/13

Dana, 29.03.2013.godine

Na osnovu člana 124. tačka f) i člana 132. Zakona o zaštiti od požara i vatrogastva Zeničko-dobojskog kantona („Službene novine Zeničko – dobojskog kantona“, broj 5/11), a u vezi sa članom 8. Zakona o principima lokalne samouprave u Federaciji BiH („Službene novine Federacije BiH“, broj 49/06) i člana 25. Statuta općine Zavidovići („Službeni glasnik općine Zavidovići“, broj 5/2008 i 5/a/2008), Općinsko vijeće općine Zavidovići na 6. sjednici, održanoj dana 29.03.2013.godine, donijelo je

ODLUKU o naknadi za vatrogastvo

I – OPĆE ODREDBE

Član 1.

(predmet odluke)

Odlukom o naknadi za vatrogastvo (u daljnjem tekstu Odluka), utvrđuju se: naknada, obveznici, način prikupljanja i namjena sredstava.

II – OBVEZNICI PLAĆANJA NAKNADE

Član 2.

(osnovi za plaćanje naknade)

Naknada za vatrogastvo ostvarivat će se:

1. Po jedinici izgrađene korisne površine/m²
 - a) poslovnog prostora,
 - b) proizvodnog poslovnog prostora,
 - c) ustanova,
 - d) vjerskih objekata,
 - e) drugih prostora (nadstrešnice, skladišta i garaže).
2. Po stambenoj jedinici
 - a) stambeni prostor (stan ili kuća),
 - b) vikend kuće.
3. Po površini – hektaru
 - a) površine obrasle šumom u privatnom vlasništvu.
4. Prema zapremini po toni
 - a) skladišta – tankovi tečnih goriva.

- 219 -

Član 3.
(obveznici naknade)

Obveznici naknade za vatrogastvo su svi vlasnici prostora i površina iz člana 2. ove Odluke, bez obzira da li ih vlasnik trenutno koristi ili isti nije u funkciji.

Ukoliko prostore i površine navedene u prethodnom stavu koristi neko drugo lice osim vlasnika, u svojstvu stanarskog prava ili zakupca, isto je obavezno plaćati naknadu utvrđenu ovom Odlukom.

Član 4.
(izuzeci)

Pravna lica koja imaju organizovanu vlastitu profesionalnu vatrogasnu jedinicu nisu obavezna plaćati naknadu po osnovi ove Odluke.

Član 5.
(visina naknade)

Visina naknade obveznika iz člana 2. ove Odluke određuju se godišnje, i iznosi za:

- poslovne prostore	0,40 KM/m ²
- proizvodne poslovne prostore	0,20 KM/m ²
- ustanove	0,20 KM/m ²
- vjerske objekte	0,10 KM/m ²
- druge prostore (nadstrešnice, skladišta i garaže)	0,10 KM/m ²
- stambeni prostor i vikend kuće-po stambenoj jedinici	12,00 KM
- površine obrasle šumom u privatnom vlasništvu	5,00 KM/ha
- skladišta-tankovi tečnih goriva	24,00 KM/t

Član 6.
(namjena naknade)

Sredstva koja će se ostvariti iz naknade po osnovu ove Odluke koristit će se isključivo za:

1. nabavku vatrogasne opreme, tehničkih i drugih sredstava za vatrogasne jedinice,
2. stručno obučavanje i osposobljavanje vatrogasaca i održavanje opreme i vatrogasnih sredstava,
3. investicionu izgradnju i opremanje objekata za potrebe vatrogasnih jedinica.

Član 7.

Utrošak sredstava iz naknade za vatrogastvo vrši se na osnovu godišnjeg Plana prihoda i rashoda naknade za vatrogastvo.

Plan utroška sredstava iz naknade za vatrogastvo donosi Općinski načelnik na prijedlog Službe za upravu civilne zaštite do 31. decembra tekuće za narednu godinu.

Član 8.

Nalogodavac po sredstvima naknade za vatrogastvo je Općinski načelnik.

Računovodstvene i knjigovodstvene poslove naknade za vatrogastvo vodi Služba za upravu ekonomskih poslova i poduzetništva.

- 220 -

Član 9.

(administrativno – stručni poslovi)

Administrativno – stručne poslove koji se odnose na izdavanje rješenja, prikupljanje sredstava naknade za vatrogastvo, praćenje utroška i namjenske upotrebe sredstava naknade za vatrogastvo vrši Služba za upravu civilne zaštite.

Član 10.

(način plaćanja naknade)

Naknadu iz člana 5. ove Odluke, obveznici su dužni platiti na žiro račun Budžeta općine Zavidovići u korist naknade za vatrogastvo po ispostavljenom rješenju o određivanju naknade.

Član 11.

(žalba)

Protiv rješenja iz člana 10. ove Odluke dozvoljena je žalba u roku od 15 dana od dana prijema rješenja.

Žalba se podnosi Drugostepenoj komisiji za rješavanje po izjavljenim žalbama protiv prvostepenih rješenja i drugih prvostepenih pojedinačnih akata Općinskog načelnika.

III – PRIJELAZNE I ZAVRŠNE ODREDBE**Član 12.**

(započeti postupci)

Postupci pokrenuti po odredbama Odluke o finansiranju zaštite od požara općine Zavidovići („Službeni glasnik općine Zavidovići“, broj 11/05) okončat će se po odredbama navedene Odluke.

Član 13.

(prestanak primjene)

Stupanjem na snagu ove Odluke stavlja se van snage Odluka o finansiranju zaštite od požara općine Zavidovići („Službeni glasnik općine Zavidovići“, broj 11/05).

Član 14.

(stupanje na snagu)

Ova Odluka stupa na snagu prvog narednog dana od dana objavljivanja u „Službenom glasniku općine Zavidovići“.

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.